



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

**Henricus, de Sancto Ignatio
Leodii, 1709**

Caput IV. Modus quo primum Adæ peccatum traducitur in posteros.

[urn:nbn:de:hbz:466:1-73187](https://nbn-resolving.de/urn:nbn:de:hbz:466:1-73187)

Pars III. De peccato originali, effectibusque ipsius. 619

quia concupiscentia est mala, in statu proinde illo non futura, nisi ex voluntatis consensu. 20. tales creari non posse hominem, qui sine ulla culpa sua, originali vel personali, tales pateretur concupiscentia motus, quos per seipsum ratione subjecere non posset, nec eos evitare; nisi Deus ei providentiā suā ita subveniret, ut peccatum & eternam damnationem evadere posset. Alias Deus in illo statu impossibilia præciperet. Quod asseri nullo modo potest. Ad divinam proinde providentiam spectaret, tale homini illi adjutorium, saltem naturalis ordinis dare, quo secundum rationem vivere posset, peccatumque & eternam damnationem vitare, ut recte Thomas de Lemos in Panoplia gratiaro. I. tr. I. de lassione lib. arb. c. 4.

25 Nec contrarium sequitur ex Bulla Pii V. damnante hanc Baii propositionem: *Deus non potuit tales creare hominem, qualis hodie nascitur.* Sensus namque Baii erat, à Deo creari non posse hominem mortalem, justitiāque originali & gratiā sanctificante destitutum (quod jure damnatum est) eò quod proposuit. 21. affirmaret quod humana natura sublimatio & exaltatio in consorium divine nature debita fuit integratati prima conditionis, & proinde naturalis dicenda est, non supernaturalis. Et proposit. 78. *Immortalitas primi hominis non erat gratia beneficium, sed naturalis conditio.*

26 Ad 3. negatur sequela: totum enim quod propriam habet peccati rationem tollitur, dum formale tollitur, sicut totus homo tollitur, dum tollitur anima rationalis, qua forma est hominis. Nam quod eā ablata supereft, non est homo, sed cadaver. Et similiter concupiscentia, ablato reatu, non est verē & proprie peccatum, sed peccati velut cadaver.

27 Et observatione dignum est, quod in Concilio Tridentino concepta fuerat illa Decreti periodus, quā dicebatur, *non improbari à Synodo illam positionem Scholasticis usitatam, a sentibus, manere post baptismum partem materialē originalis peccati; non item formalem.* Sed, ut Eminentissimus Historicus l. 7. c. 9. narrat, *deleta est, non quia falsa;* sed quod nollent Patres Ecclesia autoritatem intermisere opinantium doctrinis, seu quod, ubi definitiones concipi possent veterum Patrum vocabulis, ea nollent à Theologis recentibus mutuari: cūm venerationi conducat, non modo sententiarum, sed etiam vocum antiquitas.

28 Nec minori observatione dignum, quod (ut idem Historicus refert ibidem) gravior exorta sit disputatio de illa particula, per quam affirmabatur, in renatis nihil Deum odisse. Objetit Seripandus, cūm concupiscentia sit origo peccati, non posse à Deo eam odio non haberi... in quo visus est Polus subsistere. Observavit etiam, si Patres ponerent, nihil inesse in renatis odiosum Deo, colligendum hinc esse, nihil in iis relinquī ope divinā purgandum, nihil reprimendum, in Tom. I.

hil contra quod pugnandum: qua omnia diuinorum Oraculorum dictis adversabantur. Aliud de ipsa esse, quā de corporis miseriis, quae in Christo fuerunt, à quo procul concupiscentia fuit. Concupiscentiam aliā ratione à caelesti regno excludi, quā corporis miseras; qua ideo solum à regno illo excluduntur, quia plena felicitati opponuntur, non quia peccato militant, ut militat concupiscentia, qua victorias omnes peccato patit. Patere ex multis Augustini locis, ipsam Deo dispergere; eamdem esse malum illud, à quo liberari efflagitant Sancti, per precationem quam nos omnes Christus edocuit... Ex Augustino concupiscentiam non esse naturae proprietatem, sed corruptionem perduellionemque naturae.

His aliisque rationibus usus est Seripandus 29 (inquit Historicus) qua tamen Patribus nequam persuadere Decreti mutationem: cūm ex ipsius textura liquido appareret, ibi significari odium illud, quod *inimicitia vocatur*, & quo dicimus hominem ab homine odio haberi: quod odium verē inesse Deo nequit, in eum, qui adoptivus Dei filius est renatus; non tamen hinc excludi ab illis omnem prorsus labeculam... quam aversetur in ipsis eo odio, quod *dispergientia nominatur*.... Atque in eadem pariter significatione, post longam disceptationem, persistere in decreto posteriora verba, quibus dicitur, concupiscentiam haud nocere non consentientibus, intelligendo per vocem *nacere*, *aterrum damnum*, cuiusmodi est divinæ gratia jaēta... tametsi cunctis alioquin illa noceat aliquo pacto, &c.

Hactenū Eminentiss. Historicus, ex cuius 30 narratione perspicuum est, concupiscentiam in renatis superfitem, odiosam quidem Deo non esse odio inimicitiae, quia verē & proprie non est peccatum; odiosam tamen esse odio dispergentiae, ut docet Augustinus, quia est fomes peccati, corruptioque naturæ, per quam dissoluta est harmonia illa, in qua homo conditus fuerat. In non renatis verō cum suo reatu peccatum est verē & proprie dictum, licet sit effectus & pena inobedientiae Adami. Unum quippe peccatum alterius peccati effectus esse potest, & pena.

C A P U T VI

*Modus quo primum Ad peccatum traducitur
in posteros.*

D Uplex est de modo illo sententia. Una 31. qua traductionem illam explicat per patrum, seu decretum Dei liberum, quo Deus posteriorum voluntates in Adami voluntate collocarit, ita videlicet ut Adamo vel custodierte vel transgrediente præceptum, de non comedendo fructu vetito, omnes illud custodierte vel transgredi censerentur perinde ac si moraliter in Adamo fuissent. Altera qua dicit traductionem illam fieri, non mediante ejusmo-

di pacto, sed quasi ex natura rei, ita ut primo illo Adami peccato (quod ab Augustino *ineffabiliter grande*) natura humana vocatur *infecta* (*grande*) natura humana naturaliter sic infecta fuerit, ut infecerit, infectat, & infectura sit posteros omnes, ex Adamo seminaliter descendentes. Priorem opinionem Recentiores sequuntur. Posteriorem Antiquiores, Hugo de S. Victore, Magister sententiarum, S. Thomas, S. Bonaventura, &c. Imò eam sequuntur SS. Patres, tam ante, quam post Augustinum, scilicet ante Augustinum Origenes in c. 8. epist. ad Romanos, Ambrosius, & alii quos Augustinus refert l. 1. contra Julian. c. 3. & 4. necnon l. 2. c. 6. Post Augustinum vero S. Leo serm. 5. de Nativit. Dom. S. Gelasius Papa epist. 1. S. Prosper l. 3. vit. contempl. c. 2. Fulgentius l. de incarn. & grat. c. 13. Beda in l. variar. qq. q. 141. Bernardus epist. 174. Richardus de S. Victore l. 1. de Emmanuele c. 10. Innocentius III. in Psal. 50. Urbanus IV. in eundem. Anselmus ubi suprà.

32 Sed præ ceteris Augustinus, cuius sententiam id est propugnandam suscipimus, quia per ipsam Ecclesia de Pelagianis triumphavit. Nusquam vero Augustinus primi peccati Protoparentis traductionem per pactum illud explicat, nunquam illius mentionem facit. Nunquam Pelagiani, qui tam acriter Augustinum ista in materia aggressi sunt, peccatum originale, quatenus ab Augustino per pactum illud explicatum, oppugnarunt; imò ne illius quidem mentionem unquam fecerunt; quod tamen non neglexissent, si eò Augustinus recursum habuisset; quandoquidem occasionem inde opportunissimam habuissent Augustinum impugnandi; sed eccl. titulo Augustini doctrinam impugnarunt, quòd diceret primum Adami peccatum ab ipso in filios traduci per seminalem generationem, sive per concupiscentiam. Et ista reverè est Augustini sententia, prout videre licet l. 2. contra Julianum c. 1. l. 1. ad Bonifacium c. 17. l. 2. contra Julian. c. 3. & l. 5. c. 14. l. 1. de nupt. & concupis. c. 23. Enchirid. c. 26. serm. 128. alias 13. de temp. l. 2. de peccat. merit. c. 27. epist. 194. alias 105.

33 Peccatum itaque originale per seminalem traducitur generationem, adeoque per concupiscentiam seminali generationi naturaliter adjunctam, quatenus per eam communicatur natura, ob primum Protoparentis peccatum per concupiscentiam vitiata, destitutaque originali justitiæ, quam à divina largitate Adamus acceperat, omnibus posteris suis per viam seminalis generationis ex divina ordinatione communicandam: nec enim acceperat eam pro se solo, sed & pro tota natura humana, seminaliter in se contenta. Per primum proinde superbia peccatum, quo justitiam illam amisit, sibi soli non amisit, sed toti naturæ seminaliter in se contentæ, sive omnibus posteris seminaliter ab ipso descensuris; ideoque peccatum istud, peccatum fuit totius naturæ;

eo quod totam naturam humanam seminaliter in se contentam viciaverit, concupiscentia Deo non subjectâ infecerit, originalique justitiæ (per quam concupiscentia, totaque natura humana subjicienda erat Deo) privaverit. Ideò ergo per seminalem generationem posteris communicatur natura Deo non subjecta, sed à Deo per concupiscentiam averfa, ad creaturamque conversa; peccato proinde obnoxia, Deoque exosa. Quia licet posteri per seminalem generationem ab Adam non recipiant animam, sed à Deo; ab Adam tamen recipiunt corpus mediante semine: in semine vero licet non sit anima, est virtus dispositiva ad animam in corpore recipiendam; quæ dum in corpore per libidinem feminato, per concupiscentiamque vitiato recipitur, ab ipso pariter vitiatur & inficitur, sicut vinum à vase in quo recipitur. Scriptum est enim Sap. 9. 15. *Corpus quod corrumpitur, aggrauat*, id est ad terrena deprimit animam, donec intellectus & affectus ipsius per baptismi gratiam purgetur, & ad Deum eleveretur.

Nec necesse est ut hoc parvulus sit voluntarium & liberum, voluntate & libertate ipsorum parvulorum; sed sufficit quod ipsi voluntarium & liberum sit voluntate & libertate peccantis Adami, prout Augustinus docet sexcentis locis. Quia, ut l. 1. op. imperf. in Julian. n. 47. ait, definitio illa peccati, *peccatum est voluntas agendi aliquid, unde liberum est abstinere*, definitio est peccati, prout ab Adamo primitus commisum est, non prout à nobis originaliter contrahitur; *aliquin originale non esset in parvulis*, qui nondum voluntatis utuntur arbitrio.... *Origo ramen etiam hujus peccati defensit à voluntate peccantis* (Adami) *fuit enim Adam, & in illo fuimus omnes*, secundum seminalem rationem. *Periit Adam, & in illo periremus omnes*. Et rursus l. 15. de Civit. c. 14. *Omnis fuius in illo uno, quando omnes ille unus corrupit*. Quod explicans D. Anselmus l. de conceptu virgin. c. 7. *In Adam (inquit) omnes peccavimus, quando ille peccavit; non quia tunc peccavimus ipse voluntate nostrâ, in voluntate ipsius moraliter existente (quia nondum eramus) sed quia de illo fuius eramus*. Et tunc facta est necessitas ut cum essemus, peccaremus. *Quia per unius inobedientiam peccatores constituti sunt multi*, id est justitiæ debitâ nudati. Quia, ut ait c. 26. *per originale aliud intelligere nequeo, nisi... factam per inobedientiam Adæ justitia debita nuditatem*.

Itaque in Adam fuimus omnes, non quia 34 omnium nostrum voluntas constituta fuit in voluntate Adami (hoc enim nullibi dicit Augustinus, ut nec Scriptura, nec alii Patres) sed sicut lib. 4. op. imperf. contra Julian. n. 104. exponit, eo modo quo Apostolus Hebr. 7. 10. dicit, *filium Israël Levi in lumbis Abraham patris sui fuisse, quando est ille decimatus*; & ideo etiam istum in illo fuisse decimatum. Sicut enim quia Levi erat in lumbis

Pars III. De peccato originali, effectibusque ipsius. 621

Abrahæ, dum Abraham Melchisedech decimas dedit, Abrahamo dante decimas, Levi, & cæteri, seminaliter existentes in lumbis ejus, decimas præstiterunt; sic intelligere debemus, in lumbis Adam peccantis fuisse omnes qui ex illo fuerant per carnis concupiscentiam nascituri. Et ideo Adam peccante, in illo omnes peccaverunt, & perente Adam, in illo omnes perierunt.... Sed peccatis, inquis, altenis non utique perire debuerunt. Aliena sunt, sed paterna sunt; ac per hoc jure seminationis, atque germinationis (non dicit, jure pacti, seu constitutionis voluntatis ipsorum in voluntate Adami) & nostra sunt. Similiter l. 4. n. 105. Fixa & inconcessa si ista sententia, quia illius culpa (Adami scilicet) mors omnium est, & in illo omnes perierunt.... Hoc afflenti Ambrosio, dic (Juliane) & isti ergo suâ voluntate peccaverunt, quos in illo perisse dicas, qui suâ voluntate peccauit. Sed poterat Ambrosius hoc intelligere quod non potes, non hoc dici propter arbitrium singularum, sed propter originem seminis unde omnes futuri erant; secundum quoniam originem omnes in uno erant, & hi omnes unus ille erant, qui in seipso nulli adhuc erant. Secundum hanc originem seminalē etiam Levi tunc decimatus ostenditur, non in seipso, sed in illo, in cuius fuit lumbis; nec voluit, nec noluit decimari, quoniam nulla ejus voluntas erat, quando secundum substantiam suam nec ipse adhuc erat: & tamen, secundum rationem seminis, non mendaciter, nec inaniter dictum est, quod ibi fuit, & decimatus est. Unde ab hac decimatione filiorum Abrahæ, qui erant in lumbis ejus, quando Melchisedech Sacerdos decimas dedit, ille solus Sacerdos exceptus est, cui dictum est, Tu es Sacerdos in æternum.... Qui licet sit etiam ipse secundum carnem semen Abrahæ (eo quod Virgo Maria, de qua carnem sumpsit, ex ipso semine propagata est) non tamen est obnoxius eidem semini, qui virili non est conceptus ex semine, liber à nexu seminaricis concupiscentie.

35 Ad ista Augustini testimonia reflectant Neoterici, & videant eos à se leviter nimis Novatores vocari, qui cœlent opinionem (affirmantem parvolorum nondum natorum, sed post multa sœcula futurorum voluntates, ex pacto supradicto in Adami voluntate moraliter extitisse, dum primum peccavit) ab Augustino alienam esse. Si enim ea in opinione Augustinus fuisset, mentionem illius tunc non omisisset, dum usus illius maximè (si unquam) necessarius ipsi erat ad refellendam Juliani objectionem, ad quam citato n. 105. responderet. Enimvero quænam illa Juliani objectio? Enibi: Cū dixisset Augustinus, per unius Adæ voluntatem malam, omnes in eo peccasse, quando omnes in illo unus fuerunt. Contra hoc Julianus sic arguit: Si omnes in illo unus fuissent, quomodo omnes per ejus voluntatem malam peccaverunt, cum isti omnes, quos in illo fuisse dicas, suâ posuerunt voluntate peccare?.... Hauebuerunt ergo parvuli voluntatem, non solum an-

tequam nascerentur, verum anequam proavis eorum generarentur; & nisi sunt electionis arbitrio præsumptam substantia eorum semina condarentur. Quod adeò absurdum Julianus esse cœbat, ut inter commenta Orgis & Thysii apriora quam literis reponeret, fuitque istud potissimum ipsius contra peccatum originale argumentum.

Numquam magis opportuna esse potuit, 36 quām tunc, responsio Affertorum pacti memorati, quod utique tunc voluntates futurorum physicè quidem non fuerint, dum physicè ipsi nondum existebant; fuerint tamen moraliter, antequam essent physicè, vi pacti cum Adamo initi, quo Deus voluntates ipsorum in Adami voluntate moraliter constituit. Sed merito Augustinus à simili responsive abstinuit. Eam quippe Julianus irreflexit, commentisque Orgiorum & Thysorum accenfusset; uti Dominicus Soto (profecit non Novator ipse) l. de nat. & grat. c. 10. paclum illud irrident. Est enim fabula, inquit. Saltem est inventio nova, quæ cùm fundata non sit in natura rei, Scriptura vel Patrum autoritate probanda est. Nullam verò pro ea Scriptura vel Patrum autoritatem afferunt Patrini illius, quæ mereatur attendi, prout infra ostendemus. Nec eam ratione naturali probare possunt: cùm peccatum originale, omnium confessione, supereret captum rationis nostræ, nec illud ratio naturalis assequatur, sed fides credat. Unde dum Neoterici aiunt, peccatum originale per constitutionem voluntatis parvolorum in voluntate Adami facile explicari, constitutionem suspectam reddunt, quod aliena sit à veritate, sicut & ab Augustini mente: utpote qui l. 1. de nupt. & concupis. & aliis sexcentis locis dicit, quod peccatum originale non facili ratione indagatur, nec sermone explicatur.

Non videtur tamen verum quod per constitutionem voluntatis parvolorum in voluntate Adami facile explicetur originale peccatum; imò per eam magis intricari obscuraque videtur, ob difficultates quas constitutio illa involvit. Nam imprimis modus legitimus explicandi peccatum originale talis esse debet, ut verum sit, peccatum istud parvulis nullo modo voluntarium esse voluntate propriâ & personali, sed alienâ Protoparentis, prout haec nūs in Ecclesia traditum fuit creditumque. At si propriæ voluntates parvolorum verè in Adami voluntate constitutæ fuerunt, dum ipse peccavit; verè tunc extiterunt, saltem moraliter. Ergo parvuli tunc verè moraliter peccaverunt voluntate propriâ, eti non physicè, illudque Adami peccatum ipsis tunc moraliter voluntarium fuit voluntate propriâ, utpote tunc moraliter existente; quemadmodum in casu quo matrimonium per procuratorem vel procuratores contrahitur, licet physicè tunc non contrahatur voluntate propriâ (utpote physicè tunc aliquando non existente) moraliter tamen propriâ contrahentium voluntate

contrahitur, utpote in voluntate procuratoris moraliter existente. Sed & ratio propter quam 38 Asserentes pacti cum Adamo initi, peccatum originale explicant per constitutionem voluntatis parvolorum in voluntate Adami, id ipsum confirmat; ideo namque peccatum originale sic explicant, ut parvulus voluntarium sit intrinsecè, non extrinsecè dumtaxat: siquidem adē certum putant, peccatum illud debere ipsis esse intrinsecè voluntarium, ut aliqui ex ipsis doceant hæreticum esse, afferere, quod solum sit voluntarium extrinsecè. Verum hæresis ista fictitia est; quamvis enim peccatum originale sit parvulus intrinsecum, non ideo est ipsis intrinsecè voluntarium; nec hoc quisquam sanctorum Patrum, veterumve Theologorum haec tenuis requisivit. Nec conceptibile est quomodo peccatum originale parvulus esse queat intrinsecè voluntarium, nisi voluntarium sit voluntate propriâ & personali: utpote qua sola parvulus est intrinseca. Igitur dum afferunt peccatum originale parvulus esse debere voluntarium intrinsecè, eo ipso afferunt ipsis esse voluntarium voluntate propriâ. Quod tamen aferri non potest.

39 Nec solam illam difficultatem, sed & aliam secum assert opinio illa, eamque vix, aut ne vix quidem extricabilem. Vix enim, aut ne vix quidem conceptibile est quomodo constitutio illa voluntatis parvolorum in voluntate Adami, in ordine ad peccandum, absque proprio & personali parvolorum consensu fieri queat. Nec videtur magis comprehensibile, quod voluntas parvolorum, nonnisi post multa annorum millia futurorum, in primi hominis voluntate, ab ipso mundi exordio, in ordine ad peccandum, moraliter constitui, atque existere potuerit; quam quod parvuli illi, absque constitutione illa, ab ipso mundi exordio peccare potuerint, peccatumque deinde contrahere. Unde cum peccatum istud non admitteremus, nisi fides cogerer; nec constitutionem illam, fide non docente, admittere debemus.

40 Enimvero vel constitutio illa, absque proprio parvolorum consensu facta, ad ipsos derivare potest originale peccatum, independenter à carnali seu seminali processione ab Adamo, vel nonnisi dependenter ab ea: Neutrum dici potest. Non primum, quia aliâs Deus, absque proprio consensu nostro, voluntates nostras in cuiuscumque hominis voluntate, in ordine ad peccandum, constitutere posset, istiusque hominis peccata deinde nobis ad culpan & damnationem imputare. Quod si possibile foret, nullus posset non anxiari de salute sua, quamlibet aliqui moraliter certus se sancte vivere. Si enim id à Deo fieri posset, unde sciti posset factum non esse? Nemo ergo scierte posset, voluntatem suam in alterius hominis voluntate, in ordine ad obedientiam & inobedientiam, ac per consequens in ordine ad salutem & damnationem, sic constitutam non esse, ut ipso peccante, & pereunte, & ipse peccaret, periretque. Quem vero anxium

non efficeret talis assertio?

Secundum etiam dici non potest; si enim 41 constitutio voluntatis parvolorum in voluntate Adami, ad ipsos derivare non posset originale peccatum, nisi dependenter à carnali seu seminali processione ab Adamo; nec sola carnalis ab Adamo processio ad derivationem istam sufficiens esset; nec sola constitutio voluntatis parvolorum in voluntate Adami; sed necessaria foret utriusque conjunctio. Tam vero incomprehensibile videtur, per constitutionem illam ad parvulos derivari peccatum originale, dum ei conjugitur propagatio carnalis ab Adamo, si hæc sola insufficientis sit ad derivationem peccati; quam peccati derivationem fieri per constitutionem illam solam.

Denique vel injustitia non est in eo quod 42 anima (licet aliqui innocens) sine intrinseco consenti suo hodie uniat corpori, ex vita Adami semine procreato, unitaque per illum vitietur, & ad ipsam originale peccatum derivetur; vel injustitia est in eo quod voluntas istius animæ, sine intrinseco consensu suo sic constitutatur in voluntate alterius, v. g. Adami, ut ipso peccante ac pereunte, & ipsa peccare perireque censeatur. Tamei enim peccatum formale non sit in corpore, per corpus derivari potest, de factoque juxta SS. Patres derivatum est in animam. Nec ad hoc necessaria est quod corpus sit actus liber infantis: cum sine intrinseco actu libero voluntatis, voluntas ipsius in Adami voluntate, in ordine ad contrahendum Adami peccatum, collocari potuit.

Merito ergo ad constitutionem illam voluntatis posterorum in voluntate Adami nusquam recurrat Augustinus ad refellenda Pelagianorum contra originale peccatum argumenta. Eo certè non recurrat loco n. 34. relato, ubi maximè recurrere oportebat, si constitutionem illam Augustinus ad salvandum parvolorum voluntariu necessariam censisset. Propter quid ergo peccatum originale ad parvulos derivatum afferit? & quo iure? Jure (inquit) seminationis. Et iterum: Non propter arbitrium singulorum, sed propter originem seminaris, unde omnes futuri erant; secundum quam originem (non dicit secundum pactum constitutivum voluntatis ipsorum in voluntate Adami) omnes in illo uno radicaliter & seminaliter erant, & hi omnes unus ille erant, qui in seipso formaliter nulli adhuc erant. Et attende similitudinem quâ id explicat prorsus independenter à pacto illo: Secundum hanc originem seminaris etiam Levi tunc decimatus ostenditur (dum Melchisedech Abrahā decimas dedit) non in seipso, sed in illo, in cuius fuit lumbis (non dicit in cuius voluntate fuit voluntas ipsius) & quamvis Levi tunc nec voluit nec noluit decimari, quoniam nulla ejus tunc voluntas erat, quando secundum substantiam suam nec ipse adhuc erat; tamen secundum rationem seminaris non mendaciter... dictum est, quod ibi fuit, & decimans

Pars III. De peccato originali, effectibusque ipsius. 623

- est. Solum Christum ab hac decimatione filiorum Abrahae excipit; non quia voluntas ipsius constituta non fuit in voluntate Abrahæ, cùm nec voluntas Levi, nec aliorum Abrahæ filiorum in Abrahæ voluntate constituta fuerit; sed quia licet si etiam ipso secundum carnem semen Abrahæ (è quod Virgo Maria, de qua carnem sumpsi, ex ipso semine propagata est) non tamen est obnoxius eidem semini, qui virili non est concepitus ex semine, liber à nexus seminariis concupiscentia.
- 44 Eadem ratione l. 2. de peccat. merit. c. 25. l. 1. de nupt. & concupisc. c. 12. & 24. l. 2. contra Julian. c. 4. & l. 5. c. 15. probat Christum originale non contraxisse peccatum, sicut & Leo Magnus ferm. 3. de Nativit. dicens: *Solus inter filios hominum Dominus Jesus innocens natus est, quia solus sine carnali concupiscentia pollutione concepitus.* Unio itaque humanitatis cum Verbo non est ratio hujus proxima, sed remota dumtaxat.
- 45 Indubitate ergo Patrum sententia est, peccatum originale per concupiscentiam seu feminalem generationem (quae sine concupiscentia naturaliter non fit) ab Adamo in posteros derivari. Siquidem Adam occulitab carnis concupiscentia sua tabescit in se omnes de sua stirpe venientes, inquit Augustinus l. 1. de peccat. merit. c. 9. *Hac concupiscentia* (inquit l. 1. de nupt. & concupisc. c. 23.) *peccatis vinculum generationis trahit in posteros.*
- 46 Et ideo l. de spir. & lit. c. 15. dicit, quod peccatum originale contrahitur per carnem, per eamque animæ refunditur: *Habent parvuli originale, non per animam, sed per carnem utique contrarium, animaque refusum.* Quia scilicet anima contagio ejus obruitur, cùm membris corporis inferatur. L. 10. in Genes. c. 16. Idque Spiritus sanctus insinuat Job. 14. cùm dicit: *Quis potest facere mundum de immundo concepimus semine?* quia hoc dicendo, immunditiam hominis provenire dicit ex immundicia seminis.
- 47 Nec refert quod peccatum originale, seu ejus culpa, non sit in semine. Quia, ut S. Thomas aq. 81. a. 1. ad 3. *etsi culpa non sit actu in semine, est tamen ibi virtute humana natura, quam concomitatur talis culpa.* Addit verò a. 2. *Sicut originalis justitia traducta fuisset in posteros simul cum natura;* ita etiam inordinatio ei opposita. Per quid? Respondeat art. 4. *Per feminalem rationem, quia peccatum originale à primo parente traducitur in posteros.... per virtutem activam in generatione.* Et quanam est ista virtus activa? *Ratio seminalis nihil aliud est quam virtus activa in generatione.* Propterea ergo in semine corporali est peccatum originale sicut in causa instrumentalis (ait q. 83. a. 1.) è quod per virtutem activam feminis traducitur peccatum originale in posterum simul cum natura humana. Sicut enim originalis justitia traducta fuisset in posteros simul cum natura (ait q. 81. a. 2.) ita etiam inordinatio ei opposita. Quia vero carnis generatio per vir-
- tutem seu motionem feminis naturaliter non fit sine concupiscentia, seu libidine; idèq. q. 82. a. 4. ad 3. dicit, quod *libido transmutat peccatum originale in peccatum.* Et q. 4. de malo, *concupiscentia secundum quod est in patre, est causa originalis peccati,* quatenus scilicet per eam fit decisio feminis, per cuius activam virtutem natura communicatur humana per peccatum primi parentis vitiata, justitiae originali spoliata ut suprà. Nam quia justitiam originalem primus homo pro tota posteritate sua acceperat per generationem feminalem traducendam, dum eam, peccando, sibi, totique perdidit posteritati, istius justitiae defectus eo modo traducitur in posteros, quomodo traducitur humana natura. q. 4. de malo a. 1.
- Itaque primus homo peccando naturam in- 48 fecit, vitavit, maculavit humanam (quæ tota originaliter & radicaliter in ipso continebatur) & quia ista est natura quæ per feminalem generationem communicatur, natura infecta per generationem communicata inficit personam ejus cui communicatur. Et hoc est quod pulchritè declarat S. Anselmus l. de conceptu virgin. c. 22. dicens: *In Adam erat natura, extra quem de illa nihil erat. Est nudata justitia quam habebat, & ea semper (nisi adjuta) careret. Hac ratione, quia natura subficit in personis, & persona non sumi sine natura, fecit natura personas infantium peccatrices. Sic spoliavit persona naturam bono justitiae in Adam, & natura, egens facta, omnes personas, quas ipsa de se procreat, eadēm egestate peccatrices & iniustas facit.*
- Similiter S. Bonaventura Breviloquii cap. 6. 49 *Modus traductionis culpa originalis videtur esse talis: quia licet anima non fit ex traduce, originalis tamen culpa ab anima Adae transit ad animas posterorum, mediante carne per concupiscentiam generatam;* ita quod sicut ab anima peccante infecta fuit caro Adæ, & prona facta ad libidinem; sic caro per libidinem feminata, & secum trahens affectionem vitiosam, inficie & viciat animam. *Quia quidem infectio viriosa in anima non tantum est pena, sed etiam culpa.* Et sic persona corrupta naturam, & natura corrupta corruptit personam, salvā in omnibus divina justitiā, cui nullo modo posse imputari infectio anima, licet eam creando infundat, & infundendo unita cum carne infecta.
- Sed querit V. Beda l. variar. qq. q. 14. qua- 50 re anima originale peccatum imputatur, cùm nova & munda à Deo procreetur? Respondeat, quia ipsa corpori in eadē persona unitur, & ab eo consuetudine & unione corruptiuntur. Ut si quis bonum semen in terram mittat, & postea non fructum bonum, terra commixtione, sed zizania referat.

C A P U T V.

Traductio peccati originalis naturaliter fit, non libere & voluntarie libertate & voluntate posterorum; tamen si non fiat nisi dependen-